

四庫全書

史部

欽定四庫全書

史部

欽定大清會典則例卷一百五十六

詳校官檢討臣劉 炳

編修臣程嘉謨覆勘

總校官原任中允臣王燕緒

校對官中書臣王彛憲

謄錄監生臣周 桐

欽定四庫全書

欽定大清會典則例卷一百五十六

鴻臚寺

一奏請

隆殿順治九年定每月初五十五二十五日為常朝

日遇齋戒日期不請

隆殿餘日由寺具題傳知遇雨雪亦由寺具奏請

尚豫於初三十三二十三等日準各衙門移送應謝

恩之王公各官承襲世爵陞遷兼銜加級紀錄照舊
供職降秩開復革職留任寬免解任各職名及
百人具奏請

旨如不及百人具奏不請

陞殿若遇

覃恩大典百官皆謝

恩各執事者多照三大節儀奏請

御中和殿執事各官先行禮五鼓將謝

恩官員職名繕清漢疏齋送內閣內閣官奉至

殿內豫設黃案上本寺堂官詣

乾清門請

駕導引唱贊行禮均如儀○乾隆八年奏準嗣後奏
請

陞殿定於初一初二十日具奏

一糾察順治初年定三大節暨凡遇

慶典文武各官失誤朝賀行禮失儀者由寺指名

題叅常朝日謝

恩由寺委官於

午門外收取職名不到者指叅交吏兵二部議處

○十四年議準凡過常朝日各官有實因患病者由禮部劄知本寺如假託偷安由寺題叅○又定外任官員緊急赴任者具朝服本寺官引至

午門前行三跪九叩禮其新選外任官限於給憑

十日內由寺委官引禮四品以上於

午門前五品以下於

天安門前辭謝赴任如無故逾期由寺指名題叅
一演禮順治初年定外國朝貢使臣至京由禮
部先期知會本寺赴寺演習朝儀屆期委官引
禮遇慶賀日行禮鳴贊官由右掖門引入序於
右翼之末以次行禮其

頒賞謝

恩均鳴贊序班贊引行禮

一朝會贊相禮儀元日冬至次日

萬壽聖節

皇帝率羣臣朝於

皇太后宮是日五鼓本寺滿堂官二人率鳴贊二人豫
至

慈寧門次間牖外檐下東西面避立設王公拜位於
階下甬道左右設一二品官拜位於

長信門外甬道左右均各按班次引王公鳴贊二人引王以下入八分公以上詣

隆宗門外階下左翼在北右翼在南祇筮引百官鳴贊二人引不入八分公以下公侯伯子男一品二品文武官自

長慶門入至

長信門外仗南鳴贊序班四人引三品以下文武各官於

午門外均按翼東西面北上序立又自

永康左門

熙和門

午門內外分設鳴贊傳示百官行禮

駕出隆宗門候過引王公等隨豹尾班後進

永康左門南門

皇帝陞階引右翼王公自

長信門內仗南趨過西旁兩翼王公均於儀駕後

東西面北上序立

皇帝就拜位引王公百官各由仗南進就拜位東西
上北嚮立左班鳴贊一人奏跪拜興

皇帝率羣臣行三跪九拜禮興右班鳴贊一人奏禮
成

皇帝復位引右翼王公仍立原位引左翼王公於南
垣下西上北面序立引百官仍復原班序立候
駕過引兩翼王公隨出均東上北嚮序立於

永康左門之南候

駕還宮

皇太后聖壽行禮與三大節同恭遇

聖壽大慶十年一次宣表設表案於

慈寧門左門外東旁西嚮

皇帝率羣臣跪宣表官宣表畢復表於案贊奏行禮

均如前儀○恭加上

皇太后徽號前期恭上奏書設奏書黃案一於

中和殿內正中一於

慈寧門闕外正中均南嚮至日設

冊寶黃案一於

太和殿內

御座前正中設

冊寶龍亭於案左右設黃案一於

慈寧門階下一於門闕外正中均南嚮設宣讀

冊寶案於門外左門之東壁西嚮引三品以下官於

午門外引王公於丹陛上引一二品官於右翼門
外旁垣東西面南上序立

冊寶龍亭至跪候

駕過隨行至

慈寧宮各就班位行禮儀均與三大節同○恭奉

慈輿巡幸過

皇太后聖壽

皇帝率王公內大臣侍衛一二品官於行營黃幔城

外三品以下官於網城外行禮本寺官贊引與
在京禮同○三大節大朝

御殿由寺設表案於殿內左楹之南筆硯案於右楹
之南東西嚮是日

皇帝率羣臣朝於

皇太后宮禮成

還宮本寺官引王公暨二品以上官由右翼門入至
太和殿前王公班於丹陛上一二品官於丹墀引

百官由左右掖門

昭德門

貞度門入

外國使臣
隨右班

至丹墀各就班次東西面重

行北上序立本寺執事各官赴

中和殿行禮畢趨出贊禮鳴贊東西各二人立

殿門外第二楹前卿及鳴贊左右各一人序王貝

勒於第四楹階下貝子公於王後鳴贊序班各

二人序百官於丹墀均北上東西面立

駕陞殿樂止階下三鳴鞭畢右班鳴贊一人贊排班
引禮鳴贊各引王公於丹陛鹵簿戟前進就椽
薦稍後引百官由丹墀鹵簿仗前進各就品級
山稍後嚮上立班齊乃贊進引禮鳴贊進前引
王等於椽薦上貝子等於椽薦後百官各就品
級拜位退至仗內東西面立左班鳴贊贊跪王
公百官咸跪贊進表宣表官奉表跪宣畢復表
於案退贊王公百官行三跪九叩禮成右班鳴

贊贊退班引禮鳴贊二人進前引王公百官退
出仗外仍復原班立次引外國使臣行禮每國
各為一班均序於右翼班末贊禮鳴贊四人退
由左右階降立於仗內對丹陛左右階石闌版
第一柱東西面立贊禮引禮鳴贊引使臣自仗
南進至九品品級山拜位行禮如儀禮成鳴鞭
駕還宮蒞樂止各引王公由

太和門午門左右門百官由

昭德門貞度門午門左右掖門出○恭遇

慶典

頒詔設詔案一於殿內左楹之南一於丹陛正中引

王公集

太和殿丹陛上百官集丹墀內進表行禮一如元

日蒞禮部堂官受

詔降引百官由

昭德門貞度門

午門端門天安門左右門出至金水橋南東西兩道南北上東西面立贊排班引百官夾

御道北面序立贊有

制衆皆跪宣

詔畢贊行三跪九叩禮興贊退班引退如

駕不御殿王公不齊集引百官於

午門外兩翼序立

詔至跪候過隨行至

天安門外跪聽行禮如儀○大燕日

殿中陳設畢引內外王公大學士內大臣暨入

殿侍燕大臣并丹陛上侍燕台吉侍衛等立丹陛
上引百官按翼班於丹墀內各青幕下竝

駕御殿陞座樂止引王公暨

殿內侍燕大臣等進

殿各序坐進茶進酒均如儀鳴贊等分立於丹陛

三成

皇帝進茶進酒時均舉手傳示百官行禮燕畢引王
公大臣出序王公於丹陛上百官於丹墀內鳴
贊四人進至檐下東西面立贊排班引王公百
官各就拜位贊進贊行一跪三叩禮成引復原
班立

駕還宮竢樂止引出如儀○公主納徵及下嫁日燕
於

保和殿是日卿二人鳴贊二人豫引額駙暨族人

蒙古王公台吉等詣

皇太后宮於門外行三跪九叩禮畢引至

殿前右翼序立鳴贊四人立於檐下

皇帝御殿樂止引額駙暨族中蒙古王公台吉等至
御道西東上北面立聽贊行三跪九叩禮畢引侍燕

王公大臣侍衛由左門入引額駙暨族人蒙古

王公台吉等由右門入均北上東西面序立進

酒大臣進酒時引額駙族人出至

御道右東上北面跪侍燕王公大臣於本位跪均隨
進酒大臣行一叩禮畢仍引入

殿各序坐燕畢引額駙暨族人出至

御道右聽贊行一跪三叩禮餘儀與大燕同

皇子婚禮納采設燕於福晉父第成婚設燕於

皇子所居宫外均結采是日鳴贊二人引福晉父

及族人之有官者暨本旗大臣二品以上官序

於東席引應入燕大臣二品以上官序於西席

均北上東西面就席一叩坐

賜茶巡酒各一叩跪飲畢仍一叩燕畢引各官望

闕行三跪九叩禮○下嫁蒙古之固倫公主和碩

公主暨科爾沁三親王一貝勒喀爾喀澤卜尊

丹巴胡圖克圖來朝還國均於朝陽門或東直

門外接官廳迎送由寺鳴贊官二人引公主蒙

古王等於廳內東在內王公於廳內西均北上

東西面序坐引內大臣侍衛一品文武官按翼

坐於廳外兩旁青幕尚茶攜茶出

賜茶畢引公主於廳內望

闕行六肅三跪三叩禮引蒙古王貝勒於廳外望

闕行三跪九叩禮

不贊

車駕巡幸恭遇

萬壽聖節本寺官引扈從王公各官隨

皇帝詣

皇太后行宮黃幔城前行禮鳴贊四人於黃幔城門外

左右立奏行三跪九拜禮成

皇上御行殿鳴贊四人左右各二人於旌門外序立
本寺官引王公一二品官於黃幔城外三品官
以下於網城外聽贊行三跪九叩禮○逢五日

常朝

皇帝御殿不具表如王公謝

思行禮鳴贊左右四人立於

殿檐下百官謝

恩行禮鳴贊序班左右四人立於仗內均如大朝儀
外國使臣行禮同禮成

賜茶鳴贊二人引王公進

殿列坐如朝鮮國正使有職銜稱君者行禮畢自
仗外引自西階升由

殿右門入序坐於右翼輔國公之下

皇帝進茶時鳴贊分立三成舉手傳示百官行禮○

御殿

冊立前一日設節案於

太和殿內御座前正中設

冊案於御座左寶案於右引王公百官侍班一如大

朝儀宣制官奉

制立於殿檐下第三柱鳴贊二人引正副使於丹墀

內聽贊行三跪九叩禮畢引由右階升至丹陛

御道之左西上北面立宣制官進至中門之東西面

立贊有

制正副使跪宣制官宣

制畢退大學士授

節引正副使由中階降引舉

冊寶案各官於左右門入舉

冊寶案由中門出隨行並徹節案由左門出引王公

進殿

賜茶如儀

尊封

太妃設

冊寶印案於御座之南中門兩旁

冊封

妃嬪設節案於

太和殿寶座前正中設

冊寶印案於寶座左右兩旁引正副使入殿授

節前往

冊封王貝勒設節案於

太和殿丹陛正中

冊寶印采亭於丹墀左右引正副使詣案前授

節前往恭遇

親行尊封禮是日

御太和殿南面立

閱冊寶印訖詣

太妃宮鳴贊左右各二人豫立

宮門檐下奏進

冊進

寶印宣讀官宣

冊寶印文奏跪拜興

皇帝行二跪六拜禮

視學釋奠於

先師禮成本寺官引兩翼王公均由戟門右門出至

廟門外輿前東上南北面序立引百官均由持

敬門出豫詣太學彝倫堂階下左右北上東西

面序立候

駕是日豫設御書案於彝倫堂內

御幄前正中稍南設祭酒講書案於中門內之左設

司業講書案於右東西嚮

皇帝御彝倫堂移御書案近

御座引王公三品以上官入堂內四品以下官於階

上東西面序立鳴贊左右各二人立階上引禮

鳴贊引國子監祭酒司業等官率太學諸生於

庭聽贊行三跪九叩禮畢

賜王公大臣坐引祭酒司業由左右門入至講席引
諸生環立於露臺上聽講祭酒司業一叩就席
坐講經書畢退出立於原班禮部尚書奉

制出授宣制官宣制官跪受鳴贊序班引諸生各就
拜位贊有

制衆咸跪宣制官宣

制訖贊行三跪九叩禮畢豫引祭酒以下官及諸生

趨至太學外西旁南嚮排跪送

駕王公從百官以次退○春秋二季

經筵先期由寺設御書案於

文華殿內

御座前稍南設講案於殿內正中是日鳴贊二人引
講官暨大學士九卿科道各官至丹墀內東西
面序立

皇帝御經筵陞座引各官於丹墀鳴贊四人立殿檐

下東西第二楹前贊行二跪六叩禮引復原班
滿漢卿引講官暨各官由東西階升進

殿內九卿科道兩旁僉立講官東西面序立鳴贊
一人進至殿檐下東第二楹贊進講講官行禮
進講畢候

皇帝闡發經義羣臣跪聆訖滿漢卿引各官出至丹
墀原班立鳴贊贊行二跪六叩禮成引入

賜坐

賜茶畢引出退立原班候

駕還宮引各官出至協和門

賜燕燕畢引各官至

太和門外謝

恩行一跪三叩禮不贊○恭進

實錄

聖訓前期設書案於

保和殿內

御座前正中設表案於

殿門外稍東均南嚮本寺堂官鳴贊十人於纂修

館前引至

太和殿階下亭止監修以下官行一跪三叩禮纂
修官恭奉

實錄

聖訓卿二人引由中階升入

太和殿中門陳於案監修以下官於丹陛東行三

跪九叩禮鳴贊官引王公入

太和門左右門至丹陛上文武各官入

昭德門貞度門至丹墀內均按翼序立

皇帝御保和殿恭受

實錄

聖訓行禮畢

御中和殿執事各官行三跪九叩禮

不贊

駕興

御太和殿本寺官引監修總裁纂修提調各官入百
官班內序立鳴贊贊排班班齊贊進衆進贊跪
王以下各官咸跪宣表官一人進至

殿中門外西面跪代致辭曰和碩親王臣某等文
武羣臣奏言恭惟

先帝神功聖德纂修

實錄成書昭垂萬世羣臣懼忤禮當慶賀奏畢鴻臚卿

宣

制曰

實錄告成朕心懽慶與卿等同之宣畢鳴贊官贊羣臣
行三跪九叩禮成本寺堂官引王公入殿內百
官各就坐

賜茶

駕還宮各退○恭進

玉牒不宣

制餘儀與恭進

實錄同○文武鄉會試宣

旨於

午門外鳴贊官二人引正副主考官同考各官於
御道左右行三跪九叩禮不贊發榜後次日中式者隨

各考試官於

午門前贊行三跪九叩禮禮兵二部上馬下馬燕
於本部露臺上望

闕設香案贊行三跪九叩禮燕畢行一跪三叩禮

如儀

殿試日設題案一於殿內左楹之南西嚮一於丹
陛正中南嚮至時引讀卷執事各官至丹墀唱
贊行禮畢俟禮部堂官受題置丹陛中黃案引
諸貢士於品級山南鳴贊四人於丹陛上贊行
三跪九叩禮○傳臚日設置榜黃案一於殿內
左楹之南一於丹陛正中引王公百官侍班如
儀引讀卷執事各官於左翼仗後引貢士於仗

南左右三傳官三人分立於三成階上東立西嚮鳴贊四人侍立如儀

皇帝御殿鳴鞭畢贊排班引讀卷等官行三跪九叩禮畢贊退班引退俟禮部堂官奉榜設於丹陛中黃案退贊排班引諸貢士由仗南進至品級山前北面序立贊有

制諸貢士跪宣制官立丹陛上東旁宣

制曰某年月日策試天下貢士某等若干人第一甲

賜進士及第第二甲賜進士出身第三甲賜同進士出身宣畢乃唱第一甲第一名某人三傳官以次唱名三成傳臚畢引第一名進至左班正六品品級山跪再唱第一甲第二名某人三唱畢引第二名進至右班正七品品級山跪唱第一甲第三名某人三唱畢引第三名進至左班從七品品級山跪又唱第二甲第一名某人等若干名三甲第一名某人等若干名均三唱畢贊

叩興諸進士行三跪九叩禮畢引復原位立鳴贊贊舉榜禮部堂官舉榜自中階降榜至

太和門引第一甲三人隨榜後出引諸進士由

昭德門貞度門

午門左右門出武傳臚同如

駕不御殿王公百官不齊集餘儀均同○傳臚後越三日狀元率諸進士進表設表案於

午門外相對兩觀第五楹正中本寺卿及鳴贊夾

御道立引諸進士於闕門之南北上東西面序立贊
排班引諸進士於闕門之內東西上北面立序
班一人引狀元奉表由

御道左進至黃案前正中跪陳表於案行三跪九叩

禮不贊引復原位贊行三跪九叩禮畢同禮部官

奉表恭送內閣

頒賞日引諸進士於原立處

頒賞表裏行禮侍班與進表同○考試庶吉士未散

卷前引至

太和殿丹墀行三跪九叩禮不贊

躬耕藉田祭

先農禮成候

駕入

太歲殿行禮本寺官引王公百官出壇西門外更衣
引禮鳴贊二人引左翼王公百官於觀耕臺之
左二人引右翼王公百官於臺右均北上東西

面序立引從耕三王九卿各就從耕所東西面立鳴贊二人進至耤田左右東西面立俟

駕出具服殿至耕耤所贊進耒耜贊進鞭引王公百官至臺前東西上南嚮立

躬耕禮成引王公百官仍復原位立候

駕御觀耕臺引王公百官於臺下左右北上僉立三王一推畢九卿從耕三王五推九卿九推禮成各引復位鳴贊四人進至臺南東西面立贊排

班引禮鳴贊序班引順天府府尹府丞為一班
治中通判大興宛平二縣官為二班佐雜三班
耆老農夫四班均由臺西引至臺前東上北面
序立班齊贊進衆進贊跪叩興衆行三跪九叩
禮畢贊退班仍由臺西引至藉田外東面序立
禮成引左翼王公百官於甬道南西上北面序
立候

駕過引右翼王公自臺南共隨行百官以次退如

御慶成宮引王公隨自南門左右門入百官由左右
門東西門入王公序立階上百官序立階下均
北上東西面立候

皇帝御座本寺滿卿一人進至殿中門之左西面跪
致辭云

躬耕禮成羣臣慶賀鳴贊官贊羣臣行三跪九叩禮
如儀禮成

賜坐引王公於階上百官於階下均北上東西面列

坐

皇帝進茶鳴贊於階上傳示階下百官行一叩禮

賜茶畢各興候

駕過引王公隨行百官以次退○孟冬

頒朔日本寺堂官率鳴贊四人於

午門外兩觀第五楹夾

御道東西立傳制官一人於

午門外



御道下左旁奉

制立竢欽天監恭進

御覽時憲書畢引王公於

午門外左右觀自南第二楹下引百官於闕門相

對均北上東西面立宣制官進至

御道上西面立贊排班引王公於

御道上左右百官於

御道下均北嚮立贊進引各就位贊有

制衆皆跪宣制官宣

制曰欽天監進某年時憲書其賜王公百官頒行天
下宣畢退贊行三跪九叩禮成贊退班引退欽天
監依次頒給時憲書王公以下皆跪領各退○
命將出師設

勅印案於

太和殿內左楹之南引大將軍

王公於丹陛上
大臣於丹墀內行

三跪九叩禮畢引由左階升至

殿檐下左旁北面跪大學士授

勅印大將軍恭受轉授隨印學士等恭奉由

御道左旁降引大將軍隨行凱旋恭繳

勅印儀同○出師戰勝露布至

京師內閣學士奉捷疏至

午門外本寺官引王公百官按翼東西上北面序

立宣制官進至門東西嚮立贊有

制衆皆跪乃宣捷疏云云奉

旨宣示王公百官中外臣工咸使聞知衆祇領訖興
各引退○受俘於

午門樓鳴贊官左右各二人立兩觀第六楹對

午門樓第二楹夾

御道立引王公於

午門前丹陛鹵簿外文武各官於丹墀鹵簿外按
翼北上東西面序立引兵刑二部堂官立於闕
右門右翼丹墀鹵簿外兵部官率進俘將校立

於右翼金鼓外押倅立將校後刑部官立於兵部之次俟

駕御午門樓陞座鳴鞭畢鳴贊官贊排班引解倅將校進至仗南

御道西北面立贊行三跪九叩禮宣

旨後將校引倅退引王公於兩觀相對自南第二楹引百官於仗南各就拜位王等於梭薦上貝子等於梭薦後贊行三跪九叩禮○

頒賜直省將軍都統督撫提鎮朝衣鞍馬引至

午門前恭受文東武西鳴贊指行三跪九叩禮不贊

朝鮮等國朝貢使臣

頒賞謝恩均於

御道之右唱贊行禮儀同○救護日月食鳴贊四人

立於禮部太常寺露臺上初虧時贊衆官行三

跪九叩禮畢復贊跪衆皆跪贊擊鼓救護至欽

天監報復圓贊行三跪九叩禮各退

一
堂子贊相禮儀元日卿二人鳴贊二人於

堂子圜殿北對左右階夾甬道侍立鳴贊各二人引兩

翼王公一品滿大臣官員於

堂子街門內北上東嚮序立

駕至跪候過隨行由內門右門入引左翼王公大臣

由祭

神殿後繞至階上均東西上南嚮序立鳴贊奏跪拜興

皇帝行三跪九拜禮諸王羣臣隨行禮畢奏禮成引
左翼王公大臣於殿前各隨行至內門立竢

皇帝陞輿由左右門引出隨行○出師日

纛前兩旁鳴贊四人東西面序立

駕詣

堂子圍殿行禮引大將軍於

皇帝後與貝子公同行餘同元日儀至

纛前行禮引王公大將軍如前引從征將士於王

公後鳴贊奏行三跪九拜禮畢奏禮成引王公
將士退立於內門之北兩旁南上東西面序立
候

駕過隨出○康熙十一年

諭人君對越神祇務盡其誠敬之心禮儀節文宜臻明
備每年元旦恭詣

堂子展拜可令鳴贊贊禮永著為令欽此○十二年奉
旨嗣後

堂子行禮漢官不必隨往○元日展拜

堂子

乘輿出入鳴贊序班分引不與行禮百官蒙古王公
及外國使臣均於

午門外各按翼序班跪候迎送

一祭祀贊相禮儀冬至大祀

圜丘設王貝勒拜位於第三成階上左右對第二成午
階闌版第二柱貝子公拜位於三成階下左右

嵌設拜石百官拜位於外墻門外嵌設品級拜石左右各五行

駕宿齋宮日壇內鐘鳴豫引陪祀王公百官由壇內垣西門入至

齋宮門外左翼對

齋宮北廊第三楹王貝勒為一班貝子公二班百官各依品級為三四五六班東上南嚮立右翼南上東面序立俟

駕入

壇門亦引至南廊第三楹東上皆對降輦梭薦東邊立
駕到時東面

駕過仍東上北面立俟

駕入齋宮各引退祀日引兩翼王公至

降輦處設梭薦之西第二路鐙東上去甬道五尺南
北面序立引陪祀百官於外壝門外北上東西
面序立

駕過引王公於豹尾班後行將至大次少立竝盥洗
畢引左翼隨進外墻門左門右翼進外墻門右
門至內墻門豹尾班止引左翼王公隨進內墻
門左門右翼王公進內墻門右門至階下引貝
子公止引王等由午階左右升貝子公於階下
各就拜位引百官各就拜位均東西上北面序
立進俎及送祝帛時引王等避立於兩旁闌版
第四柱北上東西面候過仍復原班立貝子公

同候過復位禮成引王等退立於第五柱東西
面均北上引貝子公退立於大鐙之南引百官
退立於兩旁均北上東西面候

駕過引王等仍由午階左右降至內壝門少立俟望
燎禮成出外壝門引王公隨豹尾班後行引百
官以次退如

駕至齋宮引王公百官豫出至壇內垣西門外左翼
於門南右翼於門北東上序立候

駕過王公從百官以次退王公隨至

午門內同不陪祀王公均序於內金水橋南如

駕不宿齋宮祀日引百官各就拜位引王等於

昭亨門西紅柱左右引貝勒貝子公於石牌坊左

右均東上南北面序立

駕過隨行行禮如儀並夏行

常雩禮同如

皇帝步禱是日引王公於

齋宮門外按翼西上南北面序立

駕過隨豹尾班後行餘均同其不陪祀王公於

午門外對東西觀第六楹東西對

午門班房中一間北上東西面序立

駕出

午門跪候豹尾班過興禮成

回鑾仍於原班序立

駕至闕門跪候進

午門興同陪祀王公進

午門左右門至內金水橋南按翼列於仗末候

駕入太和門各退不陪祀各官各於本旗本衙門班
位均北上東西面序立跪送跪迎如儀凡祭祀
迎送儀均同惟

躬祭

社稷壇不陪祀王公仍於

午門外兩觀跪候迎送外不陪祀各官於

闕左右門南鹵簿外夾

御道東西上北嚮跪候迎送○遣官恭代行禮豫引
百官入至外壝門外拜位分翼東西面序立遣
官進內壝門至行禮位引百官北面立禮成引
百官仍東西面立遣官出各引退○正月上辛
祈穀於

祈年殿設王公拜位於第一成階上左右對石闌版第
三柱樂懸之後重行百官拜位於階下嵌設品

級拜右左右各五行

駕宿齋宮壇內鐘鳴豫引陪祀王公百官進壇內垣

西門至

齋宮門外右翼王公仍照前北面序立左翼王公

東上北面序立

駕入

祈年門引至原位立

駕到時均東面

駕過仍東上南嚮立餘如前儀祀日引王公於

降輦處設椽薦之西階下第二路銜東上南北面序

立引陪祀百官豫由西甃門進至

祈年殿兩廡前對第四楹北上東西面序立

駕過引王公隨行左翼由左門隨進右翼由右門進

由左右階升百官於階下各就拜位均東西上

北面序立進俎時引王公避立於鐘磬之南候

過引復位送祝帛時王公同前引百官於兩廡

之前候過引王公復位禮成引王公於祝啟之
前均北上東西面序立

駕過引王公仍由左右階降至

祈年門蒞望燎禮成出甑門引王公隨豹尾班行引
百官以次退○夏日至大祭

方澤設王公拜位於壇前嵌設拜石左右重行百官拜
位於外墻門外嵌設品級拜石左右各五行

駕宿齋宮壇內鐘鳴豫引陪祀王公百官由壇內外

垣西門入至

齋宮門外左翼在北方翼在南各對角門南北上

東面立俟

駕入壇引至相對降輦梭薦兩邊均東上東面立

駕過南北面立

駕入齋宮各引退祭日引王公至

降輦處設梭薦之西第二路鐙東引百官至外壇門

外拜位左右均南上東西面序立

駕過引王公隨豹尾班後行右翼至內墻門石門相對止左翼至神路左止俟

駕出更衣大次引左翼王公隨進內墻門左門右翼王公進內墻門右門至階下各就拜位引百官各就拜位均東西上南嚮序立進俎送祝帛時引王公避立於兩旁大鐙左右禮成引王公避立於

壇北左右角俟望瘞禮成出外墻門引王公隨出百官

以次退如

駕至齋宮引王公百官豫出至外垣西門外左翼於
門北右翼於門南東上序立候

駕過王公從百官以次退如

駕不宿齋宮祭日引百官各就拜位引王公等於壇
內垣北門外

降輦處設椽薦之西左翼在北右翼在南均東上序
立候

駕過引左翼王公隨入左門右翼王公入右門各進
內外壝左右門至拜位行禮禮成引王公仍於
原進各門出○遣官引百官儀同

南郊○饗

太廟設王公拜位於階上對第一成東西闌版第二柱
左右重行百官拜位於階下對兩廡南第四楹
左右各四行

午門鼓嚴引百官先入於兩廡前北上東西面序

立引王公於

廟街門外左翼在南右翼在北各對朝房第二楹均東

上左翼北面右翼西面立候

駕至南北面立

駕過由街門左門引進左翼隨豹尾班後行進左門

右翼進右門至橋南立候

駕入戟門引王公隨進由東西階升至一成階上各

就拜位引百官各就拜位均東西上北面立送

祝帛時引王公避立於中一間之東西候過復
位引百官避立兩廡前禮成引王公於東西闌
版前北上東西面序立候

駕過引隨行仍由原進門引出遣官引百官同如過
雨引王公於

戟門內百官於左右門均東西上北面隨行禮禮
成引王公於門兩旁戟前候

駕過由左右門引出○恭遇

皇帝親祇告於

中殿王公陪祭百官均於

午門外朝服祇候送迎豫日設王公拜位於

中殿前階上左右重行祭日引王公等隨入戟門左翼

隨豹尾班後行由

前殿左升東階引右翼相對左翼行由

前殿右升西階各就拜位東西上北面立隨行禮送祝

帛時避立兩旁禮成引兩翼王公於東西階之

南均北上東西面立候

駕過隨行仍由原路引出○祭

社稷壇設王公拜位於拜殿之南嵌設拜石左右重
行百官拜位於拜殿兩旁嵌設品級拜石左右
各四行

午門鐘鳴前豫引百官由

社稷街門南門入至拜殿兩旁左翼在左右翼在右

南上東西面序立引王公於

闕右門外左翼在南右翼在北西上對面序立候
駕過隨豹尾班後行由壇北門入左翼隨進東門由
戟門拜殿東右翼進西門由戟門拜殿西至拜
位引百官各就拜位均南嚮序立送祝帛時引
左翼王公避立東旁引右翼王公退立拜殿階
下候過引復位望燎時引左翼王公退立於內
壝左牆角右翼王公於拜殿西百官之前立望
燎禮成候

駕過引王公隨行引百官以次由原路出遣官及禱
雨祈謝引百官行禮同○春分朝

日豫設王公拜位於內壝門內階下對第一紅鎰左
翼在南右翼在北左右重行設百官拜位於內
壝門外左右各四行祀日壇內鐘鳴引百官由
壇門入至內壝門外左翼序於拜位東上北嚮
立右翼序於神路之東南上西嚮立引王公於
壇北門外左翼在西右翼在東均南上東西面

序立候

駕過引隨豹尾班後行左翼王公隨進內壝門左門
右翼王公進內壝門右門至階下各引就拜位
引百官各就拜位均南北上東面序立送祝帛
時引王公避立於兩旁南北而立候過仍引復
位立禮成引王公退立於壇左右角百官退立
於內壝墻角候

駕過引王公隨行引百官以次退○秋分夕

月祀時壇內鐘鳴引百官由壇門入至內墻門外左翼序於神路之東南上西嚮立右翼序於拜位西上北嚮立引王公於壇北門外左翼在西右翼在東均南上東西面序立候

駕過各引就拜位南北上西面序立餘儀與朝

日同○饗

先農豫設王公拜位於壇下大鎧之北左右重行設百官拜位於樂懸之南左右各四行均東西上

北面壇內鐘鳴引百官入右翼序神路西東面
左翼序於甬道之南北面引王公於壇外垣東
門內左翼在北方翼在南均東上南北面序立
候

駕過引隨豹尾班後行至壇引王公百官各就拜位
均東西上北面立送祝帛時不引避禮成引王
公百官退出西門更衣候從耕○乾隆六年覆
準

皇帝親祭

先農壇左班執事陪祀各官先就甬道之南北面立
日壇右班官先就甬道之西東嚮立

月壇左班官先就甬道之東西嚮立均竝

皇帝至拜位各趨就班次庶於典制更覺嚴肅至各
壇廟執事陪祀各官原毋庸輾轉向於

皇帝未祭之前各按班次相嚮正立以昭誠恪

帝王廟設王公拜位於階上對左右石闌第二柱左

右重行設百官拜位於階下相對兩廡第二楹
左右各四行均東西上北面廟內鐘鳴引百官
各就拜位北上東西面序立引王公於廟門外
左翼在門東西上南嚮右翼在門西北上東嚮
序立候

駕過隨行由左右門入由中階左右升各就拜位引
百官各就拜位均東西上北面序立送祝帛時
王公避立於中一間之東西禮成引王公退立

於東西石闌版之前引百官退立兩廡前均北
上東西面序立候

駕過引王公隨行百官以次退

視學釋奠於

先師引王公於廟街門外之西左翼在南右翼在北

東上南北面序立候

駕降輿由中門入引王公於左右門入設位行禮與
帝王廟儀同

天神壇

地祇壇

太歲殿祈雨報謝引百官於壇下分班陪祀

先賢廟太醫院醫官陪祭

賢良

昭忠祠各後裔陪祭均鳴贊官引禮

駕詣興京恭謁

永陵自下馬處引王以下三品以上官進至

啟運殿之左右均東西上北面序立隨行禮畢引王公

於殿後百官於左右均北上東西面立

皇帝祭酒時隨行三叩禮興候

駕過隨出至

盛京恭謁

福陵自下馬處引王公三品以上官進至

隆恩殿之左右恭謁

孝陵自下馬處引王公三品以上官隨行左翼由

隆恩門左門右翼由右門自

隆恩殿左右至

陵寢門王公於門外百官於

隆恩殿左右均東西上北面立隨行禮畢引王公於門

外引百官於

隆恩殿左右均北上東西面立鳴贊二人進至左右門

外

皇帝祭酒時傳示隨行三叩禮畢退下引王公百官

近左右垣立候

駕過隨出祭日設王公拜位於

隆恩殿階上銅鼎左右重行設百官拜位於階下對兩廡第二楹左右各三行引王公於東西廂之前百官於東西廂之南

駕至幄次豫引百官由左右門入至兩廡前東西面北上序立候

駕過引王公隨行左翼由左門隨入右翼由右門入

由正面左右階升至階上於左右石闌前北上
東西面立獻茶畢

皇帝就拜位引王公百官各就拜位東西上北面序
立送祝帛時引王公避立於中一間之東西引
百官避立於兩廡前候過引王公復原位立禮
成引王公仍退立左右闌前序立

駕由東階降引左翼王公由東階引右翼王公由西
階降至

陵寢門外東西面序立祭酒時行禮一如謁

陵儀各

陵禮同至

孝賢皇后陵寢引王公百官隨行

駕乘輿進大門引王公於大門東西階升至階上虛

神路引百官於橋南對東西廂前均東西上北

面行三跪九叩禮畢引王公於門階上百官於

兩廂前東西面北上序立鳴贊二人進至門下

皇帝祭酒時內監由內傳出傳示王公百官行三叩
禮畢引王公退至階下序立候

駕過隨行

一

巡幸送迎

車駕順治初年定

車駕巡狩省方由

午門出入均鳴鐘左翼王公百官在左右翼王公

百官在右跪候送迎由

東華門出入左翼在北方翼在南由

西華門出入左翼在南右翼在北由

神武門出入左翼仍在左右翼仍在右咸蟒袍補

服如設鹵簿由寺傳知王公百官咸朝服○又

定凡

巡幸經過之處文官知縣以上武官守備以上咸於

百里內迎送由寺請

旨傳示各官咸朝服在路右百步外跪候

駕過將各官名籤啟奏引至

行宮網城門外行三跪九叩禮

不次日贊

駕啟行仍朝服在路右百步外跪送如有行禮失儀及送迎不到者由寺指名題叅交該部議處

駕回京日各官跪迎同○康熙五十一年奉

旨朕出巡時武職千把總以上皆來迎接文職只有掌印官迎接嗣後朕出巡時同知通判州同州判以下

皆令來迎○乾隆十六年

諭向例鑾輿巡幸經過地方官員應行接駕由鴻臚寺具奏里數請旨臨時該寺率領接駕至駐蹕後復奏聞行禮朕入疆考績地方大吏隨營行走不時召見即州縣各官凡有承辦差務者業已於道旁隨便跪接此皆不在率領接駕行禮之列其率領行禮者非散員即武弁教職充數之人此何為者而鴻臚寺官員先期傳示不免滋擾嗣後凡應

接駕人員祇令鴻臚寺在京奏請里數得旨行知
其一切繁文及接駕後赴鴻臚寺投遞職名槩著
停止以示朕行簡務實之意欽此

一簡選鳴贊序班順治初年定考取滿洲鳴贊
由鴻臚寺唱試送禮部選擇正陪仍由寺移送
吏部選取序班由禮部行文直隸山東山西河
南提學起送到部會同本寺堂官選擇由禮部
咨送吏部補授漢鳴贊員闕由見任序班內選

送吏部題補其滿漢鳴贊等官請假丁憂等事
均由寺掌行○又定鴻臚寺官生闕禮部將應
承襲之人劄寺肄業遇外國來使行禮該館官
生導引○康熙四十四年題準滿漢鳴贊及漢
序班員闕由寺選擇擬定正陪徑送吏部○雍
正三年定選取滿鳴贊由寺於八旗筆帖式候
補筆帖式恩監生親軍校前鋒校護軍校驍騎
校庫使親軍前鋒護軍滿洲舉人副榜貢生內

遴選引

見補授○六年覆準直隸山東山西河南四省生員
具呈願考序班者令取同鄉京官印結注明委
繫親身字樣由寺驗明簡選留寺學習竝有應
補之闕移咨學政察取冊結補用以杜冒濫其
有迭催不赴考之各生由寺察出除名仍令歸
學肄業○乾隆二年奏準司賓序班並肄業官
生一無所事均請裁汰○七年奏準本寺額設

滿鳴贊官十有六人漢鳴贊官四人序班六人以供唱贊引禮之用而典禮需用官員多少不

一恭遇

萬壽元日冬至三大節用官二十餘人

躬耕藉田用官三十餘人此外典禮用官無多額設之員尚可裁省漢鳴贊官四人應裁去二人序班六人應裁去二人共留漢官六人並滿鳴贊官二十二入凡典禮執事已足敷用恭逢


大典需用多人之時本寺有學習生員即可與見任
之人一例委用其所裁四人照例咨送吏部對
品改補○九年議準在寺學習行走之四省生
員以十有二名為定額不得額外多留以滋冒
濫○十一年奏準在寺學習之四省生員十有
二名應均平酌定直隸額取六名山東山西河
南各二名○十七年奏準山東山西河南三省
離京稍遠在寺學習者行走維艱且聲韻各別

土語難變學習唱贊時雖極力教演究難合式
惟直隸近居

京師該生等行走不致拮据其聲音唱贊亦易合
式應將山東等三省額設生員六名裁去四名
止留二名合直隸原設六名共八名一并歸於
順天學政咨取○二十年奉

旨向來簡選鳴贊等官新滿洲烏喇齊等皆不與伊
等國語純熟字音準切將伊等簡選尚屬合宜著

交該衙門嗣後簡選鳴贊等官將東三省新滿洲
烏喇齊等一并簡選



欽定大清會典則例卷一百五十六

欽定四庫全書

史部

欽定大清會典則例卷一百五十七

詳校官檢討臣劉 炳

編修臣程嘉謨覆勘

總校官原任中允臣王燕 緒

校對官中書臣王燾 憲

謄錄監生臣周 桐

欽定四庫全書

欽定大清會典則例卷一百五十七

國子監

一成均之教順治年間定彝倫堂乃

視學御講之所本監堂上官不得中堂而坐及中門
出入王以下文武各官亦不得由中門出入○

又定恩貢生選拔貢生副榜貢生貢監生功貢
生準貢生皆準入監肄業○又定生員俊秀援

例入監事例不一由各該部題準遵行或入監肄業或在籍準作監生免其入監○又定滿漢官員子弟或奉

旨入監讀書或遇

恩詔分別内外文武品級各準送一子入監讀書○

又定諸生入監日本堂嚴察年貌籍貫經書務取連名保結以防冒名頂替之弊○又定本監堂官每升堂就位助教以下依次赴堂序揖次

助教以下分東西相嚮揖次各堂學生排列恭
揖○又定滿洲蒙古漢軍漢人各肄業生入監
日謁

先師畢赴彝倫堂露臺上序立謁見祭酒司業行四
拜禮隨詣各堂師相見行二拜禮○又定滿漢
肄業生於朔望日隨行釋奠禮外有講書覆講
上書覆背諸課程每月三次周而復始祭酒司
業及六堂學官講四書性理通鑑博士講五經

○又定肄業各生祭酒三月季考一次司業每
月月課一次務期齊集不許託故規避○又定
滿洲蒙古漢軍例監生入監限二十四月漢人
卹廩難廩考滿各廩生限六閱月

恩廩生官生二十四月恩貢生恩拔貢生六閱月歲
貢生八閱月副榜貢生內廩膳六閱月增附八
閱月選拔貢生內廩膳十有四月增附十有六
月準貢生三閱月例監生內廩膳十有四月增

附十有六月俊秀二十四月○三年議準監生肄業資斧不繼回籍取費或各官子弟送親隨任及寒暑疾病量準給假日期作曠候補○九年定恭遇

車駕詣學陪祀五氏生員準入監讀書○十一年定覺羅廕生照各官例入監讀書期滿仍開送宗人府○十七年議準監生未經準假遽自私歸者照例黜革○康熙三十一年覆準國子監季

考月課雖有成例恐日久廢弛嗣後考試務親
身督課分別獎勵每月朔望令滿漢肄業生齊
集講書如視為具文不實心奉行從重議處○
三十三年定恭遇

東巡

躬詣闕里選五民生員入監讀書○五十二年定宗
室官一品二品照滿漢大臣例其未入八分公
照民公例均

恩廕一子入監讀書○雍正八年議準各省恩拔副
歲貢生入監肄業者每旬以二五八三六九為
期分為兩班課其學業別其勤惰務必按期赴
監不許一名託故不到凡於講課之期每年賞
銀六千兩以為飯食之費所餘銀以備諸生遇
有事故實力不足者量加賙助○九年奏準將
毗連國子監街南官房一所賞給本監令助教
及肄業人等居住○又奏準國子監六堂助教

有分司教導之責向來係外省學官升轉令祭
酒司紫秉公甄別年老衰憊者以原品休致學
問平常者以應得之官改補所遺員闕令九卿
於進士舉人內各舉所知送吏部引

見補用○十二年議準漢監丞典簿員闕於守部進
士並學習期滿舉人內情願簡選者於吏部投
具履歷引

見恭候

欽點補授○乾隆元年奏準八旗拔貢生肄業期滿
咨呈吏部以筆帖式分班銓選遇官學助教員
闕準與各部院咨送人員一同考選再漢軍拔
貢生仍準簡選川廣雲貴四省州縣佐貳官○
二年覆準在外肄業諸生令祭酒司業嚴立課
程時其考校俾恪守成規與在內肄業生一同
講習○又議準肄業貢監設立經義治事二條
明經者或一經或兼經務取

御纂折中傳說諸書探其原本於人倫日用之理切實
講明治事者如屢代典禮賦役律令邊防水利
天官河渠算法之類或專治一事或兼治數事
務窮其源流考其利弊司成考課之時必以湛
深經術通達時宜驗稽古愛民之識三年期滿
即其所學定其等第以示勸懲○又覆準學中
設簿每日更令助教等官一人稽察出入諸生
如有事故告假者悉令將事由登記於簿月終

移送監丞呈堂察覈有肆行出入及出入過多者勒令出學本堂師容隱者察出記大過一次○又覆準肄業生有剽獵浮華不務實行者堂師即行糾舉勒令出學徇隱者記過一次○又議準祭酒季考司業月課出四子書題一道五經講義各一道治事策問各一條至六堂助教等官每月按堂考課亦照此例○又奏準嗣後六堂肄業生以三百人為額每堂五十人在內

肄業者三十人歲支膏火銀二十四兩在外肄業者二十人歲支銀六兩凡到監之貢監生詳加考驗擇文優品端者充補○又奏準肄業生三年期滿由監照例咨呈吏部照例歸班銓用教職其有志期深造仍願留監究心經義治事者監臣驗其學問人品可觀者準其留監如其中果有學術優深人品卓越者監臣詳加考試照各省書院例秉公薦舉引

見候

旨簡用○三年

諭武英殿錄書需人著國子監於肄業正途貢生內
擇其年力少壯字畫端楷情願効力者選十人送
殿以備騰錄其在監每月膏火之費照舊給與遇
闕照例補送俟數年後行走若好該管王大臣秉
公具奏酌量議叙欽此○又奏準裁去在外肄業
止留內肄業一百八十人詳慎考取嚴加課督

每歲加膏火銀六兩○五年覆準每於歲終將肄業各生人數奏明除選用佐貳等官及考補教習其餘諸生有三年期滿者咨部銓用其未滿三年而肄業已在一年以上者監臣復加簡選果繫材可造就準其留監餘即咨回本籍歸原班挨次補用其願留京應試者聽○又覆準助教學政學錄各官或分課或輪班必須在學講誨其實力奉行者分別記功京察列為優等

怠惰不職者重則即行題叅輕則分別記過京
察列為下等○六年奏準於內肄業一百八十
人內撥出二十四人作外肄業計其膏火可給
一百二十人監臣仍詳加考驗分肄六堂倘月
課季考有曠怠不到者即行扣除○又奏準將
欽定四書文頌賞六堂每堂五部○十一年奏準向
來貢監生到監先行考到列一二等者再行考
驗貢生列一二等監生列一等者方準入監肄

業令各省拔貢生仍與各項貢生一例考到考驗○又奏準嗣後直省援例貢監生造冊報部即將本生年貌籍貫三代履歷造冊送監在部報捐者部給小票後亦將本生年貌籍貫三代履歷造冊送監本監別設號簿列名銓記各給印票一紙在外者發與督撫轉給本生在部報捐者本生親身赴領倘有斥革病故一面報部一面將印票送銷每票本生輸銀二錢以充辦

事者紙筆飯食之費○十三年奏準見在司業
滿洲二人蒙古一人漢一人將滿司業裁去一
人以符體制○十七年奏準漢助教員闕本監
於學正學錄內擬定正陪二人引

見升補其學正學錄員闕移咨吏部將記名人員補
用○十九年奏準學正學錄員闕於進士舉人
內考取引

見補用

一官學之教順治二年定酌取京省生員教習
八旗子弟每年月給米二斛以資贍養二年內
果教習有成由監咨吏部考用○十二年覆準
停取八旗教習生員禮部會同國子監於監生
內嚴加考試選補教習有成優加錄用○十六
年題準教習既改用監生今後考選教習令本
監自行取用○十七年覆準考選教習止用恩
拔副歲貢生其準貢例貢不準考取○康熙元

年定八旗官學生每月赴監講書一次繙譯一次五日射箭一次○又定八旗滿洲蒙古漢軍隨印外郎闕由本旗咨報吏部行文到監於本旗年久官學生內遴選一人咨送吏部考試繙譯補用○三年議準八旗教習將在監恩拔副歲貢生齊集闕補○四年奏準停止恩拔副歲教習於官廩準例監生內未經考職者考試補用○六年議準教習闕人先盡恩拔副歲官廩

等生如無此項仍將準例監生考取○又議準
舉人願就教習者與恩拔副歲官廕準例監生
一例嚴加考試凡遇闕人於五日內傳集應考
諸生彌封試卷封門出題即日取定不許將丈
理荒疎者充數○十二年議準八旗教習先因
停止恩拔副歲故將官廕準例充補今既經議
覆應仍照舊例令其考充教習其舉人官廕準
例監生應停考用○又定恩拔副歲貢生考充

教習者連坐監期積三十六月報滿○雍正元
年奏準於八旗蒙古護軍領催驍騎內有通曉
經籍明白繙譯熟練國語蒙古語者選取蒙古
教習十有六人分旗在學與助教一同教習蒙
古官學生○二年覆準令祭酒司業傳助教
習等每月親臨官學不時巡察獎勤儆惰每月
傳至監考試一次○四年奉

旨滿助教一官有教訓士子之責若只考字則雖年少

不學但工繕寫者皆可入選可傳諭各部院衙門將
滿洲筆帖式內為人老成有行止者保舉引見其應
考繙譯者仍照例考試○五年奏準繙譯舉人準其
與八旗文舉人副榜貢生一例考試取補助教
○又議準每旗額設官學生滿洲六十人蒙古
漢軍各二十人滿洲額內以三十人在滿洲書
房習清字三十人在漢軍書房習漢字凡有學
生闕數該旗不必拘定佐領通擇聰明俊秀子

弟申送本旗都統驗看交國子監當堂考錄年
幼者令學清文稍長者令學漢文○又議準向
來每旗官學共十三四間不等實屬狹隘應將
見在官房交還每旗別給官房一所二十餘間
量可容百人誦習者著該旗修理俾諸生聚處
其中○又議準就八旗教養兵額數內撥出滿
洲三十名蒙古漢軍各十名將所有錢糧分給
官學生計滿洲蒙古學生每月銀一兩五錢漢

軍學生月銀一兩由本旗關領○又覆準官學生習漢字者每旗設教習五人輪流更代功課難以稽察令該教習每人分定學生若干人日處學中專心訓導每人月廩銀二兩米二斛在戶部支領每年人給夏秋衣一襲二年人給冬衣一襲在工部支領○又覆準漢教習入館後本監堂官不時稽察懶惰者即行斥退其勤謹無過者三年期滿照例咨吏部以知縣序選如

有善於誘誨者再留三年俟六年期滿咨部以
知縣即用○十年奏準八旗漢軍記名舊家大
臣子孫內無力延師者左翼二十一人右翼十
有一人每人月給銀二兩令其就各本旗官學
該助教與教習等課讀清漢書再於兩翼滿洲
內選教射教習各一人閒日赴學教國語並馬
步射每人月給銀三兩○乾隆元年議準八旗
世爵年二十以下者分撥各旗官學一同教習

三年期滿該旗大臣逐加考試分別等第引

見錄用每學各增漢教習一人各撥教射教習一人
其應給月費等項照例支領○二年奏準賞給

八旗官學

欽定四書文學各五部○三年奏準八旗子弟選取
入學三年之內令其專誦經書朝夕講課三年
後監臣考驗擇其材質聰穎有志力學者歸漢
文班分隸教習令其專心講誦其年齒已長願

學繙譯者歸滿文班分隸助教令專心繙譯○
又奏準學生歸漢文班者不必專讀四書亦使
講求經史為有用之學每三年一次監臣錄其
可以應考者奏請

欽點大臣來監考驗取其明通者授為監生由官學
而升太學使與拔貢人等明經治事期滿擇尤
異者一同保舉考選錄用○又奏準八旗世爵
在官學學習三年期滿引

見錄用其雖滿三年而年未及二十歲者仍留學讀書俟滿二十歲然後詣

旨考試○四年奏準各部寺八旗庫使員闕由監將本旗官學生嚴加考試繙譯取中四人并卷咨送吏部再行考擇充補○六年奏準官學生歸漢文班者邇年以來頗知奮勉但諸生年幼度其資力止能於四書外專治一經史冊浩繁乍難責其研究見在加意教導至明年八九月間

擇其可以應考者繕摺奏

聞請

欽點大臣試以經文一篇論一道其中文理明順者酌量拔作監生令該旗注冊咨送本監與漢貢監生一同肄業講求明經治事之學期滿果有尤異者准予保舉○八年奏準官學漢教習每人給印冊二本該教習將三年內所教學生若干名並學業功課詳細填注俟期滿時一冊交

新教習收存照例填注一冊呈送監臣察覈慎
重分別如有實心訓課著有成效者列一等其
訓課勤謹稍獲成效者列二等出具考語繕單
引

見一等者可否用為知縣並二等者或用知縣或用
教職恭候

欽定仍歸原班銓選其列一等者仍照原議令在學
再行教習三年果實心實力始終如一再將教

習成效叙入摺內再填考語引

見準以知縣即用○十年奏準嗣後蒙古教習酌以
五年期滿監臣詳加考覈實不能教導者斥令
歸旗當差如有為人明白實心訓課者分別等
第填注考語引

見恭候

簡用記名注冊以應升之護軍校驍騎校補用仍留
在學行走由監行文該旗遇有員闕與在旗應

升人員分班間補○十一年奏準滿洲助教員
闕除舉人及恩拔副歲貢生仍照舊考試外其
見任筆帖式等止準舉人及恩拔副歲貢生生
員出身之筆帖式坐補至考試時於請繙譯題
一道之外再請漢文論題一道

欽點大臣嚴加考試如果清漢兼優方準錄取引

見充補教習○十五年奏準考試滿助教準多取數

人咨呈吏部一同引

見英記名後遇有員闕挨次補用○十六年奏準向來官學漢教習員闕例由監臣將肄業之恩拔副優歲各貢生考取充補嗣後先期請

命大臣一二人至監會同監臣公同考取將試卷彌封詳閱○又議準嗣後各部寺八旗庫使員闕吏部行文到監將本旗官學生考試繙譯每闕一人咨送三人與覺羅官學生一并由吏部考擇充補○十七年奏準八旗世爵既經於兩翼

設立官學教導將見在官學肄業之世爵子弟
咨回各旗外所有八旗官學各增設之漢教習
一人相應裁汰教射教習亦咨回本旗行走○
又奏準教射教習既經咨回則每學教射未有
專員蒙古教習每學見設二人但蒙古學生止
二十人內有他處行走例不開闕實在不過十
數人無庸二人教習嗣後止以一人教習字話
以一人教習騎射行文該旗遴選語言嫻熟者

馬可觀者充補

一算學之教雍正十二年奏準康熙五十二年
設算學館於

暢春園之蒙養齋簡大臣官員精於數學者司其
事

特命皇子親王董之選八旗世家子弟學習算法又簡
滿漢大臣翰林官纂修數理精蘊及律呂諸書
至雍正元年告成

御製序文鑄版頒行自明季司天失職過差罕稽至此而推步測驗罔不協應際此理數大備之時正當淵源傳授垂諸億萬斯年應於八旗官學增設算學教習十有六人教授官學生算法每旗官學擇資質明敏者三十餘人定以未時起申時止學習算法○乾隆三年奏準設立官學教養八旗子弟專以讀書繙譯為業以備將來錄用至算法一藝理數精微非童稚所能驟通況

以一時之暫教授三十餘人勢難遍及按算法
乃欽天監專司其如何教習錄取之處應令酌
量辦理其官學生習算法槩行停止○又奏準
算學設漢教習二人即於奏停八旗官學內教
習算學之人充補月廩等項照八旗官學漢教
習例五年期滿果能盡心訓課著有成效者該
管大員奏交吏部議叙舉人筆帖式充補者交
與欽天監以靈臺郎補用貢監生員充補者以

挈壺正補用官學生算學生充補者以博士補用將來教習員闕於奏停教習拔補完日令該管大員會同欽天監於學內教習有成之人考選充補○又奏準就欽天監附近專立算學一所額設學生滿洲漢人各十有二人蒙古漢軍各六人滿洲蒙古漢軍即於八旗官學內擇其從前曾學算法資性相近願學者不拘旗分選取漢人無論舉貢生童或世業子弟取同鄉京

官印結具呈國子監會同管理算學大臣考試
東公錄取○又奏準算法中線面體三部各限
一年通曉七政共限二年每季小試歲終大試
由算學會同欽天監考試勤敏者獎勵怠惰者
黜退別補○又奏準算學生每月膏火照官學
生例在本旗咨領至漢算學生旅食

京師非漢軍在京有家產可比較漢軍官學生加
銀五錢由監於戶部領給○又議準欽天監天

文生向於本旗考取生監補用令應將五年期滿算學生學有成效者由該管大員會同欽天監秉公考取擬定名次咨吏部注冊俟各本旗天文生員闕挨補至考取生監停其補用再天文生每旗滿洲二人漢軍一人並無蒙古今算學生既有蒙古六人為數無多應與滿州算學生一同考送吏部按定名次歸各該旗補用漢算學生五年期滿一同考取舉人引

見以博士用貢監生童以天文生補用○四年奏準
算學隸國子監管轄應稱國子監算學所有考
校一應文移案卷即用監印鈐蓋○又奏準算
學教習之飯食衣服由監行文支給○六年議
準滿洲蒙古漢軍算學生向例與官學生一同
考試監生惟有童生考取漢算學生者不得與
考嗣後漢算學生有通習經史者照官學生例
俟考取監生時咨送國子監一例考驗果文理

明通授為監生應鄉闈試○十年奏準欽天監肆業生二十四人撥歸算學肆業無庸別給膏火倘教習不敷即選學業有成之算學生協同分教已補者即食本俸未補者仍領學生膏火一應教習應試考取天文生均照算學生例○十二年奏準算學額設教習二人協同分教三人嗣後教習未滿五年分教未經實授遇有升任如實心訓課勤慎稱職之人均仍留教習令

滿五年奏明交部議叙

一四夷之學康熙二十三年議準琉球國願令陪臣子弟四人赴京授業準其入監讀書○二

十七年

諭琉球國送到陪臣子弟三人入監讀書著安置得所

欽此遵

旨議準每人冬給段面羊皮袍褂紡絲襦袴染貂帽鹿皮鞞羶襪春秋給段棉袍褂紡絲衣袴涼帽馬

皮鞞段襪夏給紗袍褂羅衣袴紡絲被褥所用
紙筆墨等項月給銀一两五錢從人三人每人
冬給布羊裘襦袴貉皮帽牛皮鞞布襪春秋給
布棉袍褂夏給單布袍衣袴布被褥雨涼帽並
所用器皿煤炭均交工部給發其官生每人口
糧食物照進貢都通事之例從人亦照進貢從
人之例交禮部給發由監於附近房屋撥給十
餘間為住居之所○又議準琉球國陪臣子弟

入監讀書取貢生一人令其教習博士一人專
管董率祭酒司業等不時稽察俾講解經書學
習道藝○雍正二年議準琉球國陪臣子弟入
監讀書照康熙二十七年例遴選文行兼優貢
生盡心訓迪委博士一人董率本監堂官不時
稽察其教習生廩糧咨部考職等項照官學教
習之例其子弟住房食用四時衣服亦統令稽
察務令得所○乾隆六年奏準鄂羅斯遣子弟

入學習讀清漢書本監於滿漢助教內簡選文理明白者滿漢各二人引

見候

旨簡用滿漢各一人令其兼管教習學生衣服飲食等項由理藩院給發○九年奏準鄂羅斯學漢助教準為額外助教咨部別行銓補○十五年奏準鄂羅斯學滿助教既非專設之員其漢助教亦不必於額外專設應行裁汰以昭畫一嗣

後照滿助教例以六堂內助教兼管鄂羅斯學
務

一錄送鄉試康熙三十九年覆準祭酒司業力
行考課之法考課不闕者準其應試若臨期始
到不準入場○六十一年題準應試貢監於鄉
試前一年起文到部自鄉試本年正月為始月
課季考無闕仍取連名互結及本堂助教等官
結狀方準移送入場如有頂冒等弊事發一并

治罪○雍正六年覆準外省貢監赴京闈鄉試者令本籍地方官取本生地鄰甘結加具印結付本生親齎限鄉試年二月到監其閩粵滇黔四川湖南準展限兩月到監由監移送順天府察明收考○七年奏準見在肄業之人在六年未經定例以前到監者準仍照舊例取具同鄉京官印結並取五生連名互結由監察明移送順天鄉試如有假冒頂替等弊一經察出將出

結互結之人一例治罪○十三年

諭據奏直省貢監生錄科無論有無本籍地方官文書皆令取同鄉京官主事以上印結等語朕思各省地方大小不同京官有無多寡不一若槩令取具同鄉京官印結其中遠省貢監無熟識之京官勢必啟抑勒鑽營之弊詳細妥議具奏欽此遵

旨議準嗣後遇鄉試之年除從前已有本籍地方官文結見在肄業之貢監生由監臣覈明錄送外其

餘貢監生無論遠近各省均取本地方官文結
親身到監投驗仍恐尚有賄藉頂冒等弊於錄
科時取同考五人互結方準收考○又覆準從
前已有本地方官文結到監肄業因期滿及告
假回籍於鄉試年到監名為復班此復班之貢
監生有為期未久本監見可稽察者準其送考
倘稽察不實有頂冒情弊事覺將監臣交部議
處○又議準今年鄉試屆期有本年在京新捐

貢監生若令取具本地方官文結往返需時勢不能赴場期暫聽其取同鄉京官印結及五生互結準其錄取後不為例○乾隆元年奏準嗣後遇鄉試年在京新捐貢監生實屬本籍寫遠難取本地方文結者準取同鄉六品以上京官印結及同考五生互結錄科送考○又奏準在京貢監從前曾有本籍文結到監肄業應過鄉試有案可稽者遇鄉試年許令取同鄉六品以

上京官印結同考五人互結錄科送試

一進士題名雍正二年

諭國子監進士題名碑始於唐時新進士榜後於慈恩寺塔下題名立碑自宋明以至我朝皆建碑國學按甲第先後刻姓名籍貫於上凡以重科名也今太學戟門外所立本朝歷科題名碑自順治丙戌科起至康熙戊戌科止考會典諸進士釋菜後禮部題請工部發銀百兩交國子監立石題名康熙三年輔政大

臣裁省此典每科皆進士捐資立石我國家振興文教凡鄉會試動用帑金數萬朕即位之始即開恩科誠以科目一途實取士用人所繫題名之典豈宜遺闕著工部動用正項令國子監將雍正癸卯甲辰兩科題名碑即行建立康熙辛丑科亦行補建嗣後每科仍照舊例題請庶士子觀覽此碑知讀書之可以榮名益勵其自修上進之志欽此

欽定大清會典則例卷一百五十七